



UNIVERSITÄTS-
BIBLIOTHEK
PADERBORN

Universitätsbibliothek Paderborn

In Amos, Abdiam, Et Ionam Prophetas, Commentarij Francisci Lamberti Auenionensis

Lambert, François

Argentorati, 1525

VD16 B 3868

Pars Tertia. Tertio, de hedera, ac Ionæ gaudio & adflictione, propter eam
cito natam & cito arcfactam.

urn:nbn:de:hbz:466:1-35983

FRANC. LAMB. IN IONAM

Autem, non irascebatur, nisi quia fuerant Dei misericordiam consecuti, quam illis à Deo omni solitudine precari debuerat, profecto male iratus fuit. At quisquis male irascitur, peccat: qui autem bene irascitur, rem Deo acceptissimam facit. Hinc Psal. 4. precipitur irascimini, & nolite peccare. Sic bene iratus fuit Dominus, cum factò è suniculis flagello, è templo pepulit, uendentes & ementes. Male autem irascebantur iudei, in Christum, Stephanum, Apostolos, & alios sanctos.

P A R S T E R T I A.

Et egressus est Ionas de ciuitate, & sedit contra orientem ciuitatis, et fecit sibi ipsi umbraculum ibi, & sedebat subter illud in umbra, donec uideret quid ad cideret ciuitati. Et præparauit Dominus Deus hederam, & ascendit super caput Ionæ, ut esset umbra super caput eius, & protegeret eum. Laborauerat enim. Et lætaturus est Ionas super hederam, læticia magna. Et parauit Deus uermem, ascensu diluculi in crastinum, & percussit hederam, & exaruit. Et cum ortus fuisset Sol, præcepit Deus uento calido & urenti, & percussit Sol super caput Ionæ, & estuabat. Et petiuit

anime

anime sue, ut moreretur. Et dixit: Melius est mihi mori quam uiuere.

Adserunt nonnulli, Ionam à ciuitate egressum, & sedisse contra orientem ciuitatis in umbraculo, ut uideret quid ad cideret ciuitati, priusquam, sicut à capitis initio uidimus, adfligeretur & irascereur, quod & ego puto. Mox autem ut uidit, quod post dies quadraginta Ninue subuersa minime fuit, adfligebatur & irascebatur uehementer. Tum Dominus increpauit eum, dicens: Putasne, bene irasceristu? Et non legitur Domino respondisse.

Ceterum cum opiretur quod ad cideret ciuitati, dominus præparauerat illi hedera, simul et protegens seruum suum, & decernens ex illius arefactione, futura, Prophetæ arguere impudentiam. In præparatione hedera, egit optimi patris & prouisoris officium, uere rem maximam, & tanto prouisore dignam. Vide quanta sit illi cura de seruis eius. Si cupis nosse quid hedera sit: Vide Plinium naturalis historiae libro .16. capite .34. Quidam putant cucurbitam esse, sed nihil minus est.

Porro Ionas uisa hedera, letatus est, letitia magna. Facilis admodum fuit huius Prophetæ natura. Mox tristis admodum: mox contra, letus uehementer. Sed Deus Opti. Maxi. non clausit suæ misericordiae uiscera, in electum suum, quantumlibet uarium, & mutatum in horas.
Magnus

FRANC. LAMB. IN IONAM.

Magnus, & bonus es domine Deus, qui fragilibus & miseris non dedignaris uti, etiam in sacrosancto uerbi tui misterio, quemadmodum in Iona est uidere, & ego peccator in meipso experior.

Misit denique uermem, et percussit hederam, unde et exaruit: Simul quoque, sole seruente, iussit Deus uento urenti & calido, quo factum fuit ut Ionas aestuaret. Et qui prius nimium ad hederæ pulchritudinē letabatur, ea arefacta, in tam grauem deiectus fuit tristitiam, ut mori optaret & peteret.

In eo quod legis, Dominum præparasse hederam, præparasse uermem, præcepisse uento urenti, argumentum habes, quod omnia ipse operetur. Ad id nanque probandum, eiusmodi locutiones sunt efficacissimæ.

P A R S O V A R T A.

Et dixit Dominus ad Ionam: Putasne, bene irasceris tu super hederam? Et dixit. Bene irascor ego, usque ad mortem. Et dixit Dominus: Tu doles super hederam, in qua non laborasti, neque fecisti ut cresceret, quæ sub una nocte nata est, & sub una nocte perijt; & ego non parcam Niniue ciuitati magnæ, in qua sunt plusquam centum uiginti milia hominum, qui
nesciunt